

INUIT ATAQATIGIIT

INATSISARTUNI



03. januar 2011

UPA 2011/35

Inatsisartut Suleriaasianni § 33 naapertorlugu aalajangiiffigisassatut siunnersuut imaat-toq matumuuna saqqummiuppara:

Naalakkersuisut siulersuisunut, sinniisoqarfinnut imaluunnit assigisaannik ataatsimoortumik siuttoqarfinnut ilaasortanik toqqaanerminni arnat angutillu naligiissinnissaat siunertaralugu Arnat Angutillu Naligiissitaanissaat pillugu Inatsisartut inatsisaata nr. 7, 11. april 2003-meersup allangortinneqarnissaat pillugu Naalakkersuisut peqquneqarnissaannik Inatsisartut aalajangiiffigisaattut siunersuut.

(Inatsisartuni ilaasortaq Naaja Nathanielsen, Inuit Ataqatigiit)

Tunngavilersuut

Arnat Angutillu Naligiissitaanissaat pillugu Inatsit najoqqutaralugu Kalaallit Nunaanni arnaaneq angutaanerluunniit apeqqutaatillugu assigiinngissitsinissap pinaveersaartinneqarnissaat qulakkeerneqartussaavoq. Inuiaqatigiinni ingerlassani tamani arnat angutillu naligiimmik oqartussaaqataanissaat periarfissaqarnissaasalu qulakkeerneqarnissaat Inatsimmi siunertaavoq. Kalaallit Nunaanni innuttaasut oqartussaaqataanerat tunngavigalugu ingerlatsinermut tamanna pissusissamisoortutut isigineqarpooq, tamatumani lu innuttaasut naligiissumik periarfissaqatitaasariaqernerat naligiissumillu ataqqineqartaariaqernerat periarfissinniarneqarluni.

Inatsimmi § 6 naapertorlugu pisortat ingerlassaanni siulersuisuni, ataatsimiitaliani, sinniisoqarfinni ataatsimiitaliarsuarnilu ilaasortassat Naalakkersuisunit toqqarneqartut "sapinngisamik" arnanik angutinillu naligiimmik inuttalorsorneqartassapput. Tamanna aamma ingerlatsivinnut immineq pigisunut, ingerlatseqatigiiffinnut, aktianik piginneqatigiiffinnut piginneqataassuteqarluni ingerlatseqatigiiffinnut Landskarsimit annertuner-mik aningaasaliivigineqartunut piginneqatigiinnikkullu affaa sinnerlugu piginneqataaffigisanut atuuppoq. Oqaaseq "sapinngisamik" uanga naliliinera naapertorlugu erserner-luppaarpoq, kiisalu inatsimmi siunertaranut naleqquttinginneranik kinguneqarluni.

Siunnersummi matumani arnat siulersuisunut ilaasortasut amerlinissaat siunertarinqarpoq, taamaattorli aamma siunissami angutinik immikkoortitsisoqannginnissaat qulakkeerniarneqarluni. Siunnersuut naapertorlugu ima kinguneqassaaq, inuit pingasut toqqarneqaraangata minnerpaamik ataaseq arnaassaaq (imalunnit angut), ilaasortassanillu tallimanik toqqaasoqassagaangat minnerpaamik marluk arnaassallutik angutaassallutiluunniit il.il.

Inatsilisiornikkut isummanik ileqquliussanillu allannguisinnaasarneq naliginnaalluinnbsp;q. Tamanna assigiinngitsorpassuartigut pisareerpoq. Matumanili qinnutigissavara Kalaallit Nunatsinni inatsit pioreersoq sukaterneqassasoq, taamaaliornikkut arnat inuiaqatigiinni peqataanerunissaat oqartussaaqataanerunissaallu pitsaanerusumik periarfissikkumallugu. Arnat akornanni nukinnik piukkunnarluartunik peqartoqarnera uppe-raara, ullumikkulli ileqqutoqqat najoqqutaralugit eqqarsartariaaseq matoqqasumillu soleqatigiittoqtarnera pissutigalugit tamakku atorneqanngillat.

Misissuinerpassuit takutittareerpaat ulluinnarni ingerlatsinermi siulersuisoqarnermilu assiginnngiartumik inuttalersuisarneq ingerlatsiviit aningaasaqarnerannut iluaqutaasartoq. Allatut oqaatigalugu ulluinnarni ingerlatsinermi siulersuisunilu ilaasortatut sulinermi arnaaneq angutaanerlu, qassnik ukioqarneq, suliaqarsimanikkut tunuliaqutaqarneq misilittagaqarnerlu aallaavigalugit assigiinngitsunik inuttalersuinissaq pisariaqarpoq. Taa-maaliornikkut nutaaliornissap aalajangiiffigisassallu killiffiginerini siammasinnerusumik toqqammaveqarneq periarfissinneqarsinnaammatt. Ukioq 2009-mi qaammammi septemberimi McKinsey & Company-p misissuineranni ulluinnarni ingerlatsinermi arnat suleri-aaserisartagaat sulliviup piffissani ajornartorsiorfiusuni, pissutsinullu nutaanut piareer-sartariaqarnerisa nalaanni siuttuullistik sulinerat pitsaanerpaaqartoq takutinnejqarpoq¹.

Siunnersuutigisama massuma piareersarnerani ukiut 25-it ingerlanerini suliffeqarfiiit pisortanit pigineqartut ulluinnarni ingerlatsisuini siulersuisuinilu arnat angutillu qanoq aguataarneqarsimanerat misissuivigisimavara. Aktianik piginneqatigiiffit pisortanit pigineqartut 15-it akornanni arfinillit siulersuisuini arnamik ilaasortaqalernissaanut ukiut qulit *amerlanerusulluunniit* atorneqarsimapput. Aktianik piginneqatigiiffik ataaseq ukiuni aqqa-neq marlunni atareerluni ulloq manna tikillugu siulersuisuni arnamik ilaasortaatiqar-simanngilaq. Oqartorsinnaavoq siulersuisuni arnanik ilaasortangortitsiniarneq suk-kaatsuaqqamik ingerlasoq. Alla soqutiginaateqateqartoq tassaavoq, ukiut ingerlanerini siulersuisuni assigiinngitsuni ilaasortat aqqi taakkuukajuttartut takuneqarsinnaammatt. Ima paasineqarsinnaavoq siulersuisuni assigiinngitsuni angutit taakkutoqqat annertuumik ilaasortaatinneqartarsimasut, sulilu ilaasortaatinneqartut. Taamaammatt aamma siulersui-suni nukiit nutaat misilittagaqalernissaat siunertalarugu kinguaariit najoqqutaralugit nikit-tarnissannik qulakkiinissaq pisariaqarpoq.

Ullumikkut suliffeqarfinni tamakkiisumik ilaannakuusumilluunnit pisortanit pigineqartuni siulersuisuni ilaasortat arnat taamaallaat 25,3 procent-iupput. Suliffeqarfinni pineqartuni pisortat pisortaaqataasullu qiviassagaanni kisitsit suli appasinneruvoq. Suliffeqarfinni arnaq ataasiinnaq pisortaaavoq arnallu pisortaaqataasut 15 procent-it missaanniigin-narlutik. Nunatta ineriertornera iluamik toqqammavissaqartissagutsigu eqqarsariartaatsit nutaat pisariaqartippagut. Siunnersuut manna taamatut ineriertornermut toqqammavilii-sussaassaaq, sukkannerusumillu ingerlatsilernermut sakkussaassalluni.

Pisortaqarfimmut aningaasaqarnikkut aqutsisoqarnikkullu sunniutit

Siunnersuut pisortaqarfimmut aningaasaqarnikkut imaluunniit aqutsisoqarnikkut sunniuteqassanngitsutut naatsorsuutigineqarpoq.

Inuuussutissarsiuteqarfimmut il. il. aningaasaqarnikkut sunniutit

Siunnersuut inuuussutissarsiuteqarfimmut il. il. aningaasaqarnikkut sunniuteqasssangitsu-tut naatsorsuutigineqarpoq.

Innuttaasunut aqutsisoqarfikkut sunniutit

Siunnersuut innuttaasunut aqutsisoqarfikkut sunniuteqassanngitsutut naatsorsuutigine-qarpoq.

¹ "Women matter 3 – women leaders, a competitive edge in and after the crisis". McKinsey & Company, september 2009

**Ilanngussaq siunnersuut UPA 2011/xx
BILAG til forslag EM 2011/xx**

Pisortat tamakkiisumik ilaannakortumilluunniit Kalaallit Nunaanni suliffeqarfiutaanni siulersuisuni ilaasortat arnat angutillu agguataarneqarnerat

Kønsfordeling i bestyrelser i de helt eller delvist offentligt virksomheder i Grønland
(December 2010)

Navn	Kvinder/Arnaq	Mænd/Angutit
Royal Greenland	2	7
RAL	2	6
KNI	1	5
GG	2	1
GTE	0	3
INI	1	3
Tele Greenland	3	3
GV	1	2
Nunaoil	2	3
Nunaminerals	0	5
Air Greenland	2	6
Grønlandsbanken	3*	6
Inuit Service Co.	0	3
GD	1	3
Illuut A/S	0	3
I alt	20 ud af 79	59 ud af 79
Procent	25,3	74,7

* tamarmik sulisut sinnisaat/alle medarbejderrepræsentanter

Pisortat katitigaaneri (suliffeqarfiit nittartagaanni takuneqarsinnaasut tunnagavigalugit)

Ledelsessammensætning (baseret på oplysninger fra de respektive hjemmesider)

NB: Naatsorsusiaq direktørinik pisortanillu akuugaavoq / opgørelsen er en blanding af direktioner og ledelser.

Navn	Kvinder i ledelsen/Arnat	Mænd i ledelsen/Angutit	Direktør	Første kvinde i bestyrelsen
Royal Greenland Siden 1990-imiit	0	6	Mand/Angut	1990
RAL Siden 1990-imiit	2	9	Mand/Angut	2005
KNI Siden 1992-imiit	0	4	Mand/Angut	2002
GG Siden 1990-imiit	0	1	Mand/Angut	1990
GTE	?	?	Mand/Angut	?
INI Siden 1993-imiit	0	1	Mand/Angut	1996, måske før
Tele Greenland Siden 1993-imiit	1	11	Mand/Angut	1997
GV Siden 1994-imiit			Kvinde/Arnaq	1995

Nunaoil Siden 1985-imiit	0	2	Mand/Angut	2006
Nunaminerals Siden 1998-imiit	1	3	Mand/Angut	Ingen
Air Greenland Siden 1986-imiit	0	7	Mand/Angut	2005
Grønlandsbanken Siden 1987-imiit	6	8	Mand/Angut	1987
Inuit Service Company Siden 1987-imiit	-	-	-	1988
GD Siden 2006-imiit	0		Mand/Angut	2010
I alt	10	53		
Procent	15,9	84,1	92 % mænd/Angutit	